

x Fisher (Payne)
u

1479 dd 15
1-3 1

Impressio Secunda

CARMINIS HEROICI

In Honorem (nuperius)

EXCELLENTIÆ SUÆ

Jampridem ter Honorabilis

JOSEPHI WILLIAMSON, &c.

Quod Carmen nunc auctius, & emendatius,

NOVIS NUMERIS REDINTEGRAVIT

P. F. ex Equestri Familiâ Generosus,

Oxonii quondam Pupillus, & Cantab. Artium Baccalaureus.

Sumptubus & Impensis Eruditiss. Ornatiss. Generosissimique

D. JOHANNIS WOLRYCH

De Dedmeston apud Salopienses, Armigeri.

Lond. MDLXXV. Ex Fleet, sub Generosâ Custodiâ

GULIELMI CHURCH Armigeri,


Ejusdemque GARDIANI;

Et ab Authore dicatum, devotè, cordatèque Cultoribus

D. JOSEPHI WILLIAMSON.

Et eo Nomine, sigillatim, præque Cæteris.

Typis T. B. MDCXXLV.





Præfecto, Socijsque Coll: Reg: Ox: Hoc Eorum Scutu Collegiale DD
 auctor, Ippis (in huius Poematis gratiam) Scutum præliminare Suissi-
 = morum Ios. Williamson, in publicu, benevole promoventibus .

*Tutori mihi plurimis nominibus observando,
Et à me nunc, & in æternum sic ambiciosè agnoscendo,*

Viro Omnifariam

Tum luculentâ, tum lautissimâ Literarum suppellectile,

Conspicue, vel ad splendorem, variegato;

Eruditiss. Pientiss. Humanissimo, Et quaquaversus Homini

Perquam Quadrato,

Reverendo, multumque Venerando

D. THOMÆ BARLOW, SS. T.D.

In celeberr. Universit. Ox. D. Marg. Professori,

Et Oxonii Digniss. Archidiacono:

Ibique Coll. Reginalis Vigilantiss. diu Præfector, &c.

Necnon Istius per antiquæ, Famossimæque Foundationis,

(Et præ cæteris, quoad Doctrinam, Disciplinamque spectatissimæ)

Eruditissimis, Humanissimis, Ornatissimis Sociis, Collegis,

Cultoribusque Suissiorum charissimi

JOSEPHI WILLIAMSON.

Ad veneranda Quorum Virtutum, Nominumque Delubra,

Hoc hodie Musarum luculentius, & immaculatiùs Oblatum

Verecundè devovit Author P. F.

In vestro paululum Collegio sub Dom. Barlow

Quondam Pupillorum quotquot minimus,

Et in Agro vestro Cumbriensi sub Baroneto Curwen,

nuperò Militum Serviens-Major.

A

Præ-

*Prælegendas prolixiores has Notas Peregrinis
proponit Author.*

A. Pag. 2. lin. 8. Quoad insignia, gestat, in aureo Campo Tria nigra Trefolia; Cristaque demi-Aquilam rubrum, nigris alis, Corona Ducali exsurgentem, Rostroque præportantem minusculum Trefolium. Cujus Herbæ (Sanctæ Trinitatis Symboli) natura est, teste Plinio, Isidoro, Gerrardoque semper vernare, tantæque est existimationis apud Hibernos (Quam, vernacula Shamrogge vocitant) ut non modo communibus apponant acetariis, sed 17 Martii, Pi'eis ostentent, Quo die, Gens illa conversa est per ipsorum Sanctum Patricum; Qui, sub aprico Campo concionatus Illis de Mysteriis Sanctæ & Individuæ Trinitatis, ut tunc, Incredulis Fidem Nervosius inculcaret, Gramen Trefolii discorptum palam circumstantibus ostendit, inquires, *Mi Filii, Quid dubitatis? quid ambigitis? En! Planissima sunt, Quæ vobis prædico, nam prout hoc Trefolium Quod cernitis, Folia tria gerens ex uno tantisper Caule dependerit, sic unus DEUS in Tribus Personis, & Persona Tres in Uno DEO conterminatim coalescunt.*

B. Pag. 2. l. 20. Collegamque &c. Innuit eruditiss. consultiss. ornatissimumque LEOLINUM JENKINS eq. aurat. Coll. Jesu Ox. Principalem, ibique, Suæque Patriæ Glamorgiensis amplissimi Benefactoris; Lond. Curia Admiralitatis, & Cantuariensis Judicis supremi; necnon nuper ad Christianiss. Regem Ludovicum 14. pro Rebus componendis nostræ nuperæ Reginae Matris, Oratorem; ubi, non modo publicos à Primoribus Gallia Doctoribus Applausus, sed ab ipsissimo Rege Hoc indelebile reportaverit Elogium, Eum præpollere Ministrum, Qui vel ad potentissimorum, Prudentissimorumque Regum sanctiora consilia dignissime co-optaretur.

Pag. 13. l. 27. Fœmina. Refert ad Illam Cenerosiss. Heroïnâ Dom. Dionysiam williamsonam Viduam, Quæ magnam pecuniarum Massam Aedi condendæ Sancti Dunstan in Orientali Lond. erogavit, & munera multa præterea non parvi pretii contulit. Aedi cui Præsidet, eruditiss. Ille Pastor, Reverendus D. Richardus Giffard diu S S T B. erga Cujus Structuram non modo Parochialium, aliorumque Benevolentias allexit, sed Eam propriis insuper Impensis, Pie, nec, parce promovit.

Pag. 15. l. 18. Mores imitata Magistri. Innuit eruditiss. ornatiss. pientiss. humanissimumque Dominum THO. TULLY S S. T. D. Aulae Edmondi Principalem, Sereniss. Regiæ Majestatis à Sacris, qvondam Reginalis Coll. Socium, necnon Suissimi Josephi williamson, cultorem perquam cordatum, &c.

Cæteræ notæ, quum sint minusculæ suis paginis imprimuntur.



IN HONOREM

Legationis, & Ampliff. Merita (nuper)

EXCELLENTIÆ SUÆ

Jampridem Ter Honorabilis

JOSEPHI WILLIAMSON,

Agri Cumbriensis Eq. Aurati ;

Pueri, Coll. Reg. Oxon. (sub Auspiciis Reverendi, Stirpisque perantiquæ Venerandi D. THO. LAMPLUGH, Pupilli. Tandem dicti Collegii Socii, Ipsiusque Benefactoris, Amplificatorisque munifici. In eadem Academia demum Legum Cæsarearum Doctoris. Deinceps (Illustrioribus Europæ perlustratis Aulis) in *Alba-Aula Britannia* Sodalitium Coopati, admissique Munio (Candido concolori Genio) *Chancery* maximi Momenti Custodis ; Et illic ex Quaternione Clericali, Clerici nonnunquam Primarii. Diutiùs in hoc *Anglia* prægrandi Parlamento, Senatoris. Alterius, Magni, Principalisque Status-Secretarii ; Alterius, insuper Sanctioribus, & Secretioribus Regis à *Consiliis* Necnon nuper ad Illud Amplissimum Generalissimumque Coloniarum Concilium (inter Primores Orbis Europæi Principes) Dom. Extraord. Legati, Dominique Plenipotentis, &c.

CARMEN GRATULATORIUM.

Quum post Absentiam diutiorem, desideratiss. Ille

Josephus, sub Initium *Maii* MDCLXXIV.

amplexanti Patriæ redonaretur.

Impressio secunda, novis Typis, ac Numeris Redintegrata.

SIC grato cùm Vere redis, Aurora futuri
Præsentisque Boni, Quocum, melioribus Orsis
Spes Anni, Mensisque redit ; tam *Phosphore* latos
Attuleris cum Luce, Dies, Cæloque Pluenti
Suaseris insolito plus arridere Sereno.

2 *In Honorem Legationis, & ampliff. Merita nuper Excellentiae suae*

Aspice quàm Pictas pubentia pascua pallas
Induerint! quàm Veste senex Natura renascens
Versicolore virens, jubet ut chorus omnis ovantū
Te slipet Charitum! redimitaque Tempora Flores
Floribus accumulent, & Eunti Stragula sternant.
O Caput æternis Cœli, Dotabile Sertis
Conspirante Solo! pro Quo, Natura creatas
Transtulit à *Viridi* Plantas, potiùsque petendas,
Aurato Tibi fixit *Agro*, Quem, frondibus ambit
Laurus, & amplexæ comes oscula jungit Olivæ.
Scilicet ut Vegetum retineret Stemma vigorem,
Longiùs, optatam faceretque Nepotibus umbram,
Scuto manè Tuo Primos adolevit Honores
Herbarum Campestris Honor, *Tribus Ille ter unus*
Flosculus ex Foliis (Hominum Pecorumque voluptas)
Tempus ad omne vicens, Virtusque vigentior Herbis.
Utque Co-rivales Pax & Bellona triumphent,
Ecce! Coronali Crisâ *Fovis Armiger* exit,
Ore, *Trefoliolum* portans pro fulmine Gramen,
Fœderis ut *Triplicis* Britonum Te parte Statorem,
Collegamque Tuum, venturo nunciet ævo.

Collegæ salvete simul! Commissio fecit
Nupera Quos *Dominos*; Quos Rex ac Aurea Virtus
Fecerunt *Equites*; Quos magni *Membra* Senatûs
Suffecit Populus. *Cælebs Par Ambo*, Beata
Palma Pudicitiae! *Docti* quoque Legibus Ambo,
Cæsareis, Mactote pares! Decus Ambo Togatum
Oxonii! Quod vos, Pueros, viditque PATRONOS.

*Vide Infig-
nia.*

O *Castor, Pollux*que Poli genuina Britanni
 Pignora! diverso quamvis crevistis ab ovo
 Quæ peperit diversus Olor. Divortia Numen
 Hæc voluit, nè forte *Bonum Commune* sub uno
 Comprimerent Elementa Polo. Distatis ab Orbe
 Sed licet alterutro tantum, Septentrio quantum
 Distat ab Occasu, sonitu, tamen æqua putetur
 Patria * transposito necnon Synonyma puncto.
Cæsaris Opprobrium timidi, totiesque retundens
Saxonis in Capulum Gladios, memorabile Claustrum
 Primorum longè Britonum, Te, CAMBRIA celsis
 Eduxit LEOLINE jugis, *Glamorgia* Nymphis
Bissenis ubi prima præit Rivalibus expers
 Walliacæ Regina plagæ. Te clara JOSEPHÆ
 CUMBRIA, tot veterum vel adhuc vagina Penatum,
 Occidui-Borealis item pars prisca *Brigantum*,
 Præ reliquis, Qui Marte Focos, Arasque tuentes,
 Ultima Saxonico cecidere piacula Ferro.
 Illa JOSEPHÆ Tibi pubes fortissima plaudet;
 Illa pharetrigeris Quæ prima repagula PICTIS
 Intulit, & Gemino stitit contermina Regno
 CUMBRIA, præteritis quæ Kimbria cognita seclis,
 Teutonidum stabilem retinens ab origine stirpem.
 Hinc, Tuus indigenis pes non remorandus Arenis,
 Transgressus Patrii vastissima Rudera + MURI
 (Rudera Romulidum quondam Molimina Regum)
 Germanos Atavos alio sub Sole jacentes
 Pulsat, & antiqui repetit Cunabula Cimbri.

*Cambria &
Cumbria.*

*Wallia, Saxo-
nicæ Gul-
lia, dicta a
Gaulis unde
Britones, &
apud Gallos
(vel hodie)
Prin. de
Wales, le
Princeps de
Gallia appel-
latur.*

*Mar. & rodi-
giosa mo. u. ab
Adriano con-
tinetur.*

Dicite

4 In *Honorem Legationis* & *ampliss. merita, nuper Excellentiae suae*
 Dicite Scriptorum *Quaternio docta Britannum,*
Cambden, Speed, Hyland, cum Dugdale, dicite qualis,
 Anglorum fortuna fuit quum *Saxo, feroxque*
Cimber, ab adverso venientes Littore, passum
 Puppibus umbrarunt pelagus, *Thamisiisque* lacunis
 Excedens solitis, *Ripae* Contermina rupit
 Hospitibus nimis arcta Novis. Tunc Naiades undae
 Terrarum flere vices, doluitque *Sabrina*
 Cum Lacrimis compulsa Suis potare *Visurgin,*
 Et Faeces, tumidi Quas tunc abdomina *Rheni*
 Turbato vomuere vado. Tot saecula, *Cimbri*
 Grassatus sine lege furor; tot, *Saxonis-Angli*
 Sævities, laceri Membratim Corpora Regni
 Ceu *Metis* discerpfit Equis. Sed longius Aevum
 Quos junxit sub lege pari, pacalis Olivæ
 Fronde coronavit, Sertisque redimit adauctis
 Nostra Dies utriusque comas, sub utroq; ferente
 Te Palmas, Laurusque Solo. Gratamur *Amicis*
 Hinc *Danis,* olim Dominis, & amamus odoros
Hengisti Cineres, & ejusdem Pulveris *Horsum*
 Quorum, hodiè Pars magna sumus: tam *Cimbria* Nostris
 Semina sparsit Agris, ac idem Sanguis, Idemque
 Cor Incarnatos cum *Saxone* miscuit *Anglos.*
 Nec dirimit Natale Solum, dum *Saxone-Cimbro*
 Te Duce, longinquis Fratres convenimus Oris,
 Suspiciamusque palam Patruos, & in Ore Nepotum
 Præsentes, veneramur Avos. Brevis ergò vetustis
 Linea Cosmographis, & iniqua Temporis Aeram

Lance

Virique jampridem ter Honorabilis, Josephi Williamson, &c. 5

Lance Chronologici trutinant, tot Lustra locantes
A Quibus, Angliacas Saxo penetraverat Arces,
Saxonis aut Soboles *Almannas* viserit Urbes:
Saxona Congeneres pridè visisse Britannos
Competit, & *Cimbros* propè confedisse Sicambris,
Quùm Comes Austriacis Aquilis *TUA* mitior *ALES*
Sederat, & medium Pennis liberaverat Axem;
Frigore nè *Boreas*, fureret ve caloribus *Auster*,
Utraque sed solitum servaret Zona Tenorem.

Majorum de Gente Redux Celeberrime salve!
Par Eques, Auratis titulis, & Major ab amplis
Miles *Io.* Meritis, Musis & adorea Marti;
Quem, Gentilitii manifestant Symbola Scuti
Magnanimum, *Mitemque* simul, dum fronte, *Volucris*
Culminet *altivolans*, & Scuti corpore, *Flores*
Compositis sedère comis. Hos fecit Honores
Rivali Natura Suo, Qui, Comptior Ipsis
Floribus, & Flavo Campo fragrantius halans;
Ver Sibi, perpetuos Virtutum spirat Odores.
Injustè querimur jam Ferrea sola manere
Sæcula Brutigenas, & nil superesse cadentis
Astreæ, totamque polo migrâsse Minervam;
Scilicèt ad Britones remeârunt Aurea Secla,
Ex quò, prisca Patrum Fides, & Reverentia Veri,
Et Pudor, & Probitas, & Turba Novena Sorores
Sede remigrantes solitâ, sub *Pectore Vestro*
Palladium posuere Novum: tàm Concolor Annis
Candor, & incocto Generosum Semen Honesto,

Cum

6 In Honorem Legationis & ampliss. merita, nuper Excellentia suae
Cum Cunis crevere Tuis. Vix Scamma Scholarum
Transiliit puerilis apex, & Cyrrha fodinis
Pierias patefecit Opes, Gravioribus aptus
Quàm Studiis, graviora sapis; Cui, rectus Olympi
Cursus, & Astrorum leges, & origo profundi,
Terrarum quoque claustra patent, quàm cernitur omnis
Quid Divina jubet, vel suadeat Ethica Virtus.
Hoc erat à teneris primam tornare juventam,
Ut celer Authores (Quos commendaverat ætas
Doctior) antevolans, pennatâ mente, notares
Quàm *Crispus* brevitate placet; quo pondere *Varro*;
Quo Genio *Plautus*; quo Flumine, *Quintilianus*;
Quàm solidoque stylo *Tacitus* sua Chronica sculpsit,
Digna Scienda Sacris, ac insinuanda Monarchis.

Maturo mox *Manè* Viro, Tibi lucere surgit
Splendidiore Dies, *Primique* Scientia *Furis*,
Cujus ad Archetypon, major componitur orbis.
Tunc late brofarum reseranti Scrinia Legum,
Velaque pandenti per Abyssi claustra profundi;
Bartolus tibi clavis erat, *Palinurus*, & *Aura*
Bartolus; *Baldusque* suæ Duo Lumina Sphæræ,
Et Cynosura micans Gallo *Cuiasius* Orbi:
Ut Pandectarum Puteis *Quæ* *Vina* vetustas
Condideratve *Cadis*, Tua *Promus*conde *Josephe*
Indoles hauriret, Patriisque refunderet *Anglis*,
Sol u. i, qui radiis sic imbibit *Æquor*, ut Illud
Imbribus egereret, Quibus, arida viscera terræ
Irriget, imprægnatque graves uligine Glebas.

Virique jam pridem ter honorabilis Josephi Williamson.

Tenec *Heraldorum* veteres (ignoscite Vates
Causidici si more loquar) latuere Magistri,
Nec Quos præfecit Clavo Præsentior ætas
In Regū, Procerumq; Decus. † *Walkerus* Equestris
Ordinis, Antistesque Chori Fecialis, Honores
Ritè Patronymicos, Complexaq; Nomina pendens
Villhelm-sonne Tuum longo scrutatus ab ævo,
Confirmat Ceras, & Scuta, redintegrat, Olim
Quæ Proavi gessere Tui. *CLARENTIUS* Illa
Comprobat *Uptoni* spinosa Volumina *BYSHUS*,
Qui Critico dispunxit Acu. Rex inde Trionum
DUGDALUS, Angliaci Chorus, & Cortina Theatri,
Ex Animo Tibi plaudit ovans, & Gaudia Docto
Dividit *ASHMOLEO*, certus Te Sospitū, stare
Firmius Heroas, Quas sic Complecteris Artes.

*Patris Yatra-
nival Armo-
tum ites Re-
ges, Ed. Wal-
ker, Ed. Bysh.
Milites,
Gul. Dugdale
Armig. &
illi conju-
ctiff. Ami-
cus, Elias
Ashmole At-
mig. Windo-
sori Fecialis
& Med.
Templ.
l. c.*

Indè (Polyglotes Patriæ rediturus) *Vlysses*
Longiùs egrederis, Populos emensus & Urbes,
Ut simul Ingenium, Ritus, Legesque Locorum
Conciperes, caperesque tenax compendia Vocum.
Nec sine Luce Labor, Tibi dum Globus Ipse, Globorum
Arbiter, ad punctum, Chartas introspicis omnes,
Ac Intellecti *Compressa Volumina* Mundi
Par Oculis, Animoque Legis; Peregrèque profectus
Sic Homines, discisque Libros, ut utrosque doceres,
Et Doctis Paradigma fores. Hæc Indole, Gentes
Concipis Intuitu, Semoto Interprete, callens
Grandisonans, Quid *Teuto* tonat, Qui Fulmen in Ore
Præportat, sed Fronte Fidem. Quos *Italus* edit

B

Nec

8 *In Honorem Legationis, & ampliff. Merita nuper Excellentiae suae*
Nec Mentem latuere Sales, moderataque Mensæ
Luxuries lautæ; nec *Iberæ* Pondera Gentis
Consona Cui *Latiae* præ Cunctis Lingua Loquelæ.
Tecum *Galla* loqui, Tecum *Facundia* *Romæ*,
Grajugenæque velint, Vulgi verus unde polirent
Ad Normas Idioma Novas, & Mella Modernis
Exprimerent potiora Favis. His *Docte Magister*
Artibus Excellens, & Consummatus ad omnes
Aularum, Statuumque Modos, Prægrande Theatrum
Plenipotens intras, Primi Legatus Honoris
A Magno mandatus Hero. *Germania* fælix
Heroum Genitrix; & *Agrippa* Colonia, REGES
Quæ TRES à longo Sacros celebraverat ævo,
Illum jure Diem Fælis Ferialibus addat
Quo, tot Magnificos vidit sub *Imagine* Reges
Per *Delegatos* Majorum More Sedentes.
Additus His *CAROLUS* Rex Augustissimus Anglus
(Orbis Amor, paritérque metus) dignatus adesse
Persona *JOSEPHÆ* Tua, Geminique Ministri
Obside, se tremulo Columnen supponere Mundo.
Agnoscit Præsens, & fortè fatebitur ætas
Postera, divisim quot tunc *Europa* vacillans
Vergerat in Partes! & quàm Diademata Regum
Perstiterant Britonum, Sedatim Lancibus æquis
Eloquio librata Tuo! Cui, Constat abundè
Regna Bonis surgant, Quibus & detrusa retrorsim
Pessudent labefacta Malis: tam Sedulus, omnes
Discutis Historias, Exemplaue digna Potentum
Colligis,

Colligis, & Proprios Prudens disponis in Usus.
Haud secùs Hyblæis Ductas ubi vallibus omnes
Induit Annus Opes, solitosque resumit amictus,
Manè salutantes, querulo cum murmure passim
Florilegæ funduntur Apes, & ab omnibus agris
Mella reportantes, crepero sub Vespere, crura
Plena Thymo, redeunt, ut Cerea Castra coronent.
Sic Operæ Conlors, dùm conficis *Ardua Regni*
Præsentemque Domi Te postulat *Aula*, remotis
Finibus Europæ Mens circumflecta moratur,
Et longum ventura videt: Momenta revolvis
Unde Togæ, Bellique vices, Regisque Saluti
Prospicis, à Patriis arcens Incendia Tectis.
O quoties! tenero quùm nondùm Phœbus Eoo
Æquoreis remeâsset Aquis, stans Turba Petentum
Obvia Sollicitis ambirunt Atria Votis;
A Quibus Obsessus, *fucundâ Voce* vel Ipsos
Obsidione tenes; & proratione Virorum,
Vel Methodo Rerum, Moderata Petentibus, *Æquus*
Annuis, Idque negas Quos mox fortassè pigeret
Concessi, minimève foret Conforme Mereri.

Publica sic Proprio præponens Commoda Lucro,
Publicus appares; nec Te licèt Agmine Curæ
Circundant, vigilésque jubent percurrere Noctes,
Vidimus iratis stringentem Lumina rugis.
Blanda Serenatam spargit Clementia frontem,
Totaque per Mites diffusa Modestia Vultus,
Dum constet Mens (non Velis inflata Secundis,

10 *In Honorem Legationis, & ampliff. Merita nuper Excellentia sue*
Adversis nec pressa notis) Moderamine miro,
Par semper, similisque sibi. Sic Flumina quamvis
Ad Mare collectum deportent ritè Tributum,
Et Vectigales solvant ad Littora Fluctus,
Id *Nereum* sentire pudet, nec lenior alveo
Deficit, aut tumido stagnat torrentior æstu.
Talibus Exundans Meritis, *Pharus* ecce! videris,
**SCYDITHIO* de Monte nitens; Exemplar Honesti;
Virtutum Collectus apex; Venerabile Regni
Pignus, & Indigenis Nomen peramabile *CIMBRIS*.

*Cumbria, nec
non Anglia
Mons altiss.
& Septentri-
onalium Te-
neriffa.*

Nec minus id Meritis Memorandi Nominis addit
Illimis Pietatis, Amor, cunctasque coercens
Religiâ sub Lege Vices, dum Cæca perosus
Dogmata, & insanæ damnans Deliria Turbæ,
Supremum purâ veneraris Mente Tribunal.
Nempè vel à Puero Virtutum Castra sequendi,
Ac Charitum Tibi Cura fuit, Cui, Mollia nusquam
Ubera porrexit *Circe*, nec fœda *Calypso*
Invasit validos vitiis Juvenilibus Annos.
Nec subsecivis Tibi quùm secesseris horis
Sic steriles abiere Dies, ut inania Lucis
Otia, futilibus fraudarent *Seria* Nugis;
Dum Manus omne movens, vel ab omni percita Motu
Enthea Mens, scribit Seclis facienda futuris,
Ac itidem scribenda facit. Mandata daturus,
Ipse Capis, quantoque tuis sis Major Honore,
Obsequio cupis esse Minor. Reminiscitur Aula
Munia pro *CAROLO* gessisti qualia Rege,

Sive

Virique jampridem ter Honorabilis, Josephi Williamfon. 11

Sive Domi, fuerasve foris; quum stellula primùm
Fulsisti *Gallis*: vel quum Sol Major, Olympo
Missus ab Angliaco, radiis *Teutonica* passim
Littora lustrasti, quà Tu Legatus (Honorus
Et Collega Tuus, Cujus Melioribus Acta
Commendo Calamis) numero Consule, Consul,
Gingeris, abscissas satagens connectere Partes
Sedulus, & Veteres Regum sopire Querelas.
Hinc *Anglo*, Conjunctus *Iber*, & utriusque *Batavus*,
Tres numero, Gens una sumus, *Triplicique* potiti
Fœdere, miscemus Merces, Animasque fideles
Invicem, ab alterno timidi ditescere damno.

Hoc Tibi devinctas fecisti Fœdere Gentes,
Dum Tua nil cæca debens Industria Sorti,
Se Solùm Meritis, & Regum debet Amori.
Esto, Genus jactent Alii sublime, Sibi que
Debendam pariter Famam, Fundosque Paternos
Æquali de Sorte crepent: Sors Vestra † *Sub Umbra*
Alarum secura sedens DEUS alme *Tuarum*,
Te *Reginales* admisit primitus *Ædes*,
Induit unde *Domus Aquilas*, ac Alite Dextrâ:
Plusquàm Dædaleis perrupit Nubila pennis
Ingenii pernicis apex, Planumque futuris
Ingeniis, aperivit Iter. Sic *Docte Joseph*,
Non Tibi, sed *Populo, Patriæque Tuisque*, secundis
Nasceris ominibus, Memorandî Nominis impar
Cumbriaco Coryphæus Agro, Qui Dotibus annos
Exsuperans, Meritisque fidem, post terga relictis.

Ipsius Motto
perquam ve-
recundus.

Tot

12 In *Honorem Legationis & ampliss. merita, nuper Excellentiae suae*
Tot paribus Virtute præis, Palmæque Priorum
Æmulus, æternæ ponis fundamina Famæ.

Nec penes est Mortale Genus Fundamina Famæ
Moliri meliore Luto. Testabitur Illud

Fundamen *REGINA* Tuum; Regina Lycæi,

† *Bellofui* veneranda Soror, Quæ ritè reponet

Te, cum Principibus, prisci que Potentibus ævi

Co-fundatorem, longotque loquetur in annos

Magnificæ Benefacta Manûs. Submittite plumas

Quas *Domino* debetis Aves, & cede parumpèr

Eaglesfeilde, Parens Aquilis, ac *Ædibus* Idem,

Et *Beaufort*, Regum Stirps, & Regina *Philippa*

(Quatuor ut constet Fundatio firma Columnis).

Cedite, Ternalique Choro stabilite *Josephum*;

Cui, jam plena Domus pandat cum Pectore, Portas

Amplius, exultetque novo fruitura Patrono.

O Pietas! propè Sola potens penetrare *TONANTIS*

Culmen, & Impositæ superaddere *Pelion* Ossæ

Titanum nil fulta Manu: Sic itur ad *Astra*,

Sic *Cœlum* *Rapimus*, Superasve *Paciscimur* Arces,

Agmina sic *Operum* succenturientia, præsto

Ductricem Comitata *Fidem*. Quos foeta beavit

Innumeris *Fortuna* Bonis, procul ite *Dynastæ*,

*Terrarum*que *Duces* Qui tota *Talenta* *Tabernis*,

Aut *Tenebris* damnatis *Opes*, *Fœnus*que futuro

Audetis sperare *Die*. Procùl ite *Locustæ*

Vos *Pecus* ignavum *Fruges* Consumere *Nati*

Fœtentis *simus*, & *Squallentia* *Stercora* *Terræ*

Quoniam sic
antiqui dicit.
Bellofuium,
quasi Belle
fuium.

Vix

Vix foecundandis spargenda Cadavera Glebis.
Vos quoque dedigni prorsus Calcaribus Istis
Quæ geritis, nitidoque (latus Quo cingitur) Ense,
Cur trabis immemores, vos pars rudis unde dolati,
Colla superba polo pictarum more Volucrum
Tenditis, & tumidas Titulorum panditis alas?
Degeneres Animæ! Quæ nil virtutis habentes
Majorum, laceram de *Conquestore* petitam
Sarcitis Seriem, stolidèque citatis Avitas
Illunes Laurus, & egentes Nominis Umbras.

At Stator, & Veterum par *Restaurator* Avorum
Ille, Manu ductis stabili (Præeuntibus Astris)
Virtutum per Tempia Gradu, patefecit Honori
Limen hians, ubi Viva Suis Monumenta locavit,
Nec Moritura sibi, Boreali sydere, passim
Auspiciis plaudente piis. *Aquilonica* Pubes
Eaglesfeldiadum, quæ *Westmorlandia* Mater,
Aut Soror Implumes exclusit *Cumbria* Pullos,
Latiùs ardentes *Aquilino* Lumine Solis
Jam penetrent Radios, & Nidos Nubibus æquent.
O Vir Marmoreis, Vatum dignissime Templis!
Qui Vatum Delubra struis, mediisque Ruinis
Altius attonitam suades exsurgere Molem.
Posteritas, admitte Fidem, Res mira relatu,
* *Williamsonorum*, vel ab uno Nomine, Binos
Phœnices, hodiè fœtos peperisse Britannos
Semine dissimiles, nec non Discrimine Sexus.
Fœmina, *Londini Dunstanam* Cælitus Ædem,

*Vide Pag. Prae-
liminarem*

Et

14 In *Honorem Legationis* & *ampliss. merita, nuper Excellentiae Jux*
 Et Consopitos Cineres revocavit ad auras
 Vitales, Donisque palàm Splendentibus auxit.
 Mas Cælebs, Vitreos subolevit ad *Isidos* Amnes,
 Quà Puer imbiberat tam Lac, quàm Pocula Lucis:
 Heic, *Reginales Aedes* (Habitacula nuper
 Arcta Prophetarum) Spatiis diduxit adauctis,
 Tecta que, non parvo sumptu, de pulvere traxit
 Plurima, Proventuque Novo, Genioque Beavit.
 O *Donum!* Fastis Memorandum ritè futuris,
 Quod, si spirantes Silices, & Saxa Difertis
 Nunc Animata Sonis, in Postera Secla silerent;
 En! ex Vestibulo, solidis inscisa figuris
 Clamarent Symulachra Domùs, Matremque monerent
 Ut *Grandæva*, Loci formas, Moresque Vetustos,
 Aut Quæ longa Dies fixit magis *Apta Notatu*
 Traderet, ignaroque tenax ostenderet ævo.
 Hinc, *Tuba*, Collegis (Quæ nunc Argentea totum)
 Prodroma Pransuris, Vestræ stans debita Dextræ,
 Elogium resonabit ovans, quia *Tanta*, Tubarum
 Vocifero sine Teste facis. *Potabile Cornu*
 Temporis antiqui Donum, *Tua Dona JOSEPHE*
 Convivis Hodierna canet, tot *Vota* Saluti
 Suffundens, quot *Pocula* Tuæ. Sin Advena præsens
 Aurea fortassis, vel mox Argentea poscat
 Munera Quæ fuerint graviori Cusa Metallo;
 Heic quoque, *Crateras, Pelves, Paterasque* videbit,
Vasaque Sacrato nihil inferiora Sacello,
 Plurima Munificæ dudum Donaria dextræ.

Utque

Virique jampridem ter Honorabilis, Josephi Williamson. 15

Utque per *Oxonii* Collegia cuncta colêris,
Sic *Reginales* apud *Ædes*, fœdere facto
Te propius *Vicina* colent. Fundamen honorum
Vickhamii, læto Tibi *Faulta* precabitur ore,
Reginæque Domo postponens *Nomen* *Avitum*,
Hanc hodiè nitidam, totamque vocabit amœnam
Nec minimâ de parte *Novam*. Venerabilis *Aula*
Edmondi *Niveos* *Mores* imitata * **MAGISTRI**
Candenti sub fronde nitens, Tibi serviet albis
Cincta *Ministeriis*, *Ancillæ* more sequacis
Reginæ placitura *Suæ*. Ceû *Turtur* in *Umbris*
Ædes *Sancta* *Sedens Sancti* cognomine *Petri*
Sponsæ *Capta* *Suæ* *Specie*, dabit oscula fronti
Jam propè *Contiguæ*, solitoque procacior, arctos
Ibit in *Amplexus*, *Nolis* *Modulantibus* ultrò
Connubiale *Melos*. *Proprie* sic *limine* *Portæ*
Te *Proprium* laudabit *Opus*, quia *Porta* patebit
Ad *Laudes* vel *ubique* pares. Fas ergò *Josephe* est
Ut quùm *Condideris* *Patriis* *Altaria* *Musis*,
Mularum Tibi *Thura* ferant, & *Imago* doletur
Ex *saxis* *Quæ* *Dextra* dedit ; *Pennæque* petantur
Ex *Geminis* *Aquilarum* *Alis*, Quibus, *Æquius*, *Actus*
Scribat *Fama* *I* uos, *Nomenque* *Inscribat* *Olympo*.

Erud. & or-
natiss. Dr.
Tho. Tully.
Vide pag.
prælim.



UT Vacuitas sequentium Paginarum suppleretur,
Hoc Elogium Sepulchrale *CAROLI HOVV-*
ARD; heic, cum charissimo suo Compatriotâ
JOSEPHO WILLIAMSON, non inconcinne, nec in-
consulto conjunxi. Quod si quis Pragmaticus percon-
tatus sit, cur Hæc Vivo solvuntur *Fusla*, Quæ solùm de-
bentur Mortuis: Sciat Iste Curiosior Percontator, *Ca-*
rolum Quintum Funebres Ipsius Exequias sibi Vivo Perso-
natas præsentius aspectâsse; nec Paucos è nostris hodiè
superesse, Qui Sua Monumenta Sepulchralia Sibi vel ho-
diè vivis, collocaverint. Ad Exemplum Quorum (nè
laudes tanti Principis, Munificique Mœcænatis laterent
Posteris) Hæc à rumore toties inculcato (quamvis
falso) Mortis Hujus Herois, Quæ dudùm raptim Scrip-
seram, nunc deliberatè, Typis Publicis heic Exaravi.



Præsuli plurimum Reverendo

Et pro Spectatâ Morum Moderatione

Literarum Profunditate, Vitæque Probitate

Ubivis Venerando,

Eruditiss. Graviss. Humanissimoque Domino

D. EDOARDO RAINBOW

Dom. Episcopo Carleolensi, Suæque Diæceseos

(quantis cum proprio maximè dispendio)

Pugili, Patrono, Propugnatorique Pientissimo.

Ædis interdum Cathedralis Petriburgi Decano;

Primitus autem Coll. Magd. Cantabrigiæ

Dilectissimo diu Magistro

Ibique (præter alios) Nobiliss. Howardorum Suffolciensium

Digniss. dudum Tutori.

Hoc Elogium Caroli Howard Comitæ Carleoli

Ipsi propriè Dom. Episcopo Carleoli,

Et Illius Comitæ Amici perquam Cordato,

Dicavit, & devovit Author P. F.

Dicti Coll. Magd. Artium quondam Baccalaureus

Et in Agro Cumbriensi, Militum nuperò Serviens-Major.

ELOGIUM SEPULCHRALE
Nobiliss. Consultiss. Fortissimique Satrapæ
 CAROLI Comitis de CARLILE, &c.

Peregrinis, & Posteris.
 Si nescias Advena cur hoc fleturiens desudat Marmor,
 Edoceberis,
 Quòd heic Illunis, *Stella*, Terris exciderit.
 Stella notæ planè Primariæ,
 Suâque Sphærâ, nullibì secundæ.
 Stella Septentrionalis, Ibique *Temonis Auriga Carolini*
 Geminæ Provinciæ Jubar, & Genius.
 Suorum Præfectus, & Sui.
 Autoritate Magnus. Obsequio Major.
 Seipso Maximus,

CAROLUS HOWARDUS.

Carolus, Gratiâ Regali,
 Comes *Carleoli*, Vicceomes *Morpeti*, Baro Dacres *Gilstandi*;
Carolus Affectu Nativo,
 Cor *Cumbriæ*. Populariû Pulmo. Numen *NAWORTH*;
 Quà præsentior adfuit, & Interfuit,
 Filius, & Hæres. Cœlebs, & Sponsus. Pater & Avus.
 Conjugis Amor. Spes Pignorum Fides Nepotum:
 Quibus Præfuit, Idémque Profuit
 Dominus, & Parens. Præses & Princeps:
 Heros Majesticæ frontis, itidémque Personæ

Vir

Vir ad Artem compositus, nil habens Artis;
Corpus Pancraticum. Systema Syderum.
Naturæ Complementum.

Quid plus vis Viator? Genus inquiris?
En! Egerminavit ex *Howardorum* Stirpe Ducali
Stirps altera.

Effronduit ex Nobilissimo *Norfolciæ* Libano
Cedrus Æmula;

Quæ longum florida Saltubus exsurgens *Aquilonicis*
Rivales *Orcadum* Polo, *Thuleq;* Pelago propagavit Ramos,
Nè per Britanniam vacaret Insignior Angulus
Quo, non nidificantes *Howardorum* culminarent *Aquilæ*.

Quid ultra? Petis etiàm *Vitæ* Compendium?
Sub dubio Sydere, dubium Fatum subiit, ac Fortunam:
Primitus *Scotiâ*, deinceps *Angliâ*:
Par utriusq; *Palestræ* Pila, nec impar sub utroq; *Periculum*:

Ut Avita nempè Patrimonia
Sequestrali damnanda Decreto, Dextrâ Redimeret,
sinistra Fidem Senatui signavit;
Foris, in communem consultò cadens *Scyllam*,
Ne damnosiores Domi *Charybdes* incideret.

Sic Adolescens,
In Ludo *Martis* primo prolusit prologo,
Sed mox Mutatâ *Britanniæ* Scenâ
Mercurius alio Spectandus Theatro,
Sub *Carolo* Secundo prodiit Actor è Primis,
Secundusque Nemini; Inter

20 *Elogium Sepulchrale Nobiliss. Caroli Comitis Carleoli.*

Inter Comites Sanctioris *Ipsius* Concilii
Co-optatus Comes.

Ad Supremum Parlamenti Concessum
Citatus Satrapa.

Ad Potentissimos Europæ Principes
Bis Princeps Legatus.

In maximi Momenti Suscipiendis, *Hermes.*

In Agendis, *Dædalus.* In Consummandis, *Apollo;*

Undè latius illustraverat

Coronæ Splendorem. Regis Fidem. Regnorum Pacem.
Penatum Dignitatem.

Sed proh! Fata magnificis ominosa Cæptis

Quæ medio Vitæ, Gloriæque Curriculo

Properantem stiterunt Orbitam,

Ipsumque vel heic in Terris, *Cælo* Candidatum,

Coelituum Choris heu, citò nimis asciæverunt;

Dulce Suorum Desiderium

Magno *Carolo*; *Cumbriâ* Dynastiisque *Britanniæ*

Propè, Dissitèque Condolentibus.

Ad perennandam latèque Proseminandam

Tanti Principis, Mœcænatisque munifici Memoriam

Hoc fleturienti Calamo, Quod dudum suffudit Elogiû,

Publicis nunc Typis Impressit, Posterisque consecravit

P. F. olim Militum

Serviens-Major.

Oratori

Oratori Poetaeque præpollenti, & Antiquitatum Studiofissimo
Majori P. Fisher.

E Lucubratum Quod ad me miseras Poema, perlegi.
Poema purè Mellitum sine Fæce, Genuinum sine
Fuco, quodque plus est, Poeticarum Fictionum
prorsùs immune. Quàm paucas enim Synelephas?
Quàm pauciores Tropos, & Figuras (veterum Vatum
malè peccantium Suffugia & Asyla) per totum Carmen
offendo? Non opus est igitur ut Imbelli meo suffulcia-
tur Elogio, Quùm Doctissimorum Suffragiis innitatur.

Vale ergò, mi Charissime *Fishere*, Tuumque Contu-
bernalem, Amicū Tibi, Mihiq; Integerrimū Doctorem
Rob. Ford Med. & Ophthalmistam, vel si vulgò vis, Ocu-
latistum peritissimum, meo nomine, salutes. Illum, in-
quio, Ophthalmistam fœliciss. & (à Fratre suo Famossissi-
mo Doctore *Turbervil*, nostri Sæculi Britannicique Syde-
ris Antesignano) nemini secundum.

Vale iterum, mi *Fishere*, faxitque Supremum Numen
ut ab Angustiis Tuis emancipatus licentiâ pedum plus-
quàm Poetica liber uteris.

Quod exoptat Tui amantissimus

Cornelius Borree, M. D.

Dublino-Hybernus.

Typo-

Typographus ad Lectorem.

AUthoris hujus Heroica Carmina, quæ dudum vel nuperius scripserat, vel scribenda designat, tandem complexim sub his Titulis, in unum Volumen, prædibunt in Publicum.

DEUS & Rex, Rex & Episcopus, Carmen ad Clerum.
 Epitaphia, & Elogia Sepulchralia nonnullorum Nobilium.
 Panegyricum dict. Christianiss. Regi *Ludovico 14.*
 Ad Illustrissimum Principem *Rupertum*, Ducem Terræ Marique Bellocissimum.
 In Legationes Nobiliss. *Denzellii Holles*, Baronis de *Ifeild.*
 Eucharisticon pro Valetudine nuperi *Georgii* Ducis de *Albemarle.*
 Ad Honoratiss. *Hen. Coventry* ad *Suecos* olim Legatum.
 Ad Honorabilem *Carolus Bertie*, Legatum à *Dania* redeuntem.
 Ad Ornatiss. *Justinianum Pagit* Armig. Custodem Brevium.
 Ad Ornatiss. *Tho. Neale*, à Peregrinationibus redeuntem.
 Ad Eruditiss. *Ed. Waller*, Poetarum sui sæculi Principem.
 Epithalamium *Tho. Peck*, & *Lucie Ball.*
 Ad Ornatiss. *Tho. Higgons* Eq. Aurat. ad *Venetes* Legatum.
 Epinicion *Venetiarum* in Naumachia apud *Turcas.*
 In Adventum Principis Illustrissimi de *Ligne.*
 Ad Eruditiss. *Petrum Pett*, Eq. Aurat. Reg. *Hibern.* Regis Advocatum Generalem.
 In Nuptias Ornatiss. & Eruditiss. *Io. Wolrych* Armig. & *Mariae Griffith.*
 In Adventum *Hen. Mariae* nuper *Angliæ* Reginae Matris.
 In Hortos & Hospitalitatem *Leonardi Bilson* de *Mapledurham* Armig.
 Ad Dom. pereruditum *Guil. Petyt*, Int. Templ. J. C.
 Ad D. *Johannem Gadbury*, Astrologum *Angliæ* peritissimum.
 In Anth. Hor. Elogium meum Ducis *Albemarliæ* vili-pendentem, Satyra.
Marston-Moor, scriptum 1645. In 6 Libellos distributum.
 In Legationem D. *Josephi Williamson*, Cujus, heic habes Exemplar.
Armachanus Redivivus, in Oratione hab. in Aula *Ædis Christi Oxon.*

F I N I S.

1713

THE YOUNG CLUB
A CONGRATULATORY POEM

HIS EXCELLENCY
JOHN LORD BISHOP OF BRISTOL
LORD PRIVY SEAL
UPON THE
P E A C E

Printed at the London Press April 1713

By ROBERT DENTON

AT

G. HASTINGS, S. BREWSTER & T. DIBDEN

For London & Foreign